


Vom leichtfertigen vnd liederlichen Ahdenschwören Auch wie er mit höchstem fleiß soll recht verstanden werden.

Züuermercken sey menigflich/Das lan-

der yezund schier vor allen Oberkaiten vnd Gerichten/ Deutscher Land/ ain gemainer gebrauch werden will/ Auch vast inn übung/wie groß oder gering schäzig die sachen ist/ Der halbe zwischen den tailen trüng einfallen/ der wegen gütlich oder rechtlich für Obrigkait können/ das vō stundan der Ahd/ zubestätigung des Ja/ oder Nein/ zethün angebotte wirdet. Dadurch zubesorgen (Gott wölle das es nit beschehe) vil vtrechter Ahd geschworen werden. Dann wol vil der Ahdenschwörer / Auch darzu noch ye zu zezen (an menigfichts seiner Eeren verkleinen / so ich hiemit öffentlich protestier) die Richter/ so die Ahd auflegen/ zulassen/ vorreden/ vnd dero vmbstender/ mit versteen möchten/ was Ahdenschwören sey/ bedeut vnd nach jm ziehe. Darumb offt vtrechts Ahdenschwörens halben (das Gott genädiglichen verhütten wölle) Seel vnd leib verdampft werden möchte/ Dasselbig (soul der Herz gnad gibt) mit güter warning/bey dem gemainen Armen vnuerständigen menschen zufürkömen/ Hab ich ainfältiger vnden geschrifener Schüler/ Der hailigen Drifftigkeit zu Eeren / Nachfolgende erinnerung (auf verbessern der Hochuerständigen / die ich demüttigs fleiß bitte/mir das nit züuerargen/ sonder wa ich geirrt/das meiner vncarfung zulegen. Dasselbig seines gefallens in bessern grund vnd form stellen/ Dann ich bisher/solcher notdurft im truck nichts offens geschen) fürgenommen/wie hernach volget.



Vann solche Ernstliche/ erschrockenliche bedeutung vnd verständnuß/ aines vngerechten geschworen fasschen Ahdys / Nach außweitung der hailigen geschrifft volgen/ das sich billich ain yeder Christgelaubiger mensch/ mit seinem höchsten fleiß davor verhütten sollte/

Exod. 20. ca. 1. Regum 12. 22. q. 1. et C. Iurab. Et c. 3. Reg. 21. c. Deut. 13. ca. Dann ain yeder mensch/ der ain Ahd schwören will/ der soll aufheben drey Finger/ vnd zwen vndersich nangen/ Bey dem ersten/ Nämlich bey dem Daum ist züuersteen/ Gott der Vater/ bey dem andern/ Gott der Sun/ Und bey dem dritten/ Gott der hailig Gaist/ Bey den andern zwayen Nidernaigenden Fingern/ bedeut der Erst nach dem mittern Finger/ die kostperlichen edeln Seele/ wie die verborgen ist/ vnder der menschheit. Der fünfft vnd kleinest finger/ bedeut den leib/ der also hoch mit der seel begabt ist. Und bey der ganzen hand/ wirt bedeut/ ain Gott vnd ain Schöpffer/ der alle ding erschaffen hat.

Distin 4.4. c. Danie. 13. ca. **Welcher mensch** dann so verlassen verzweyfelt/ vnd jm selbs also feind ist/ das er ain falschen Ahd schwört/ Der schwörte inn sollicher maß/bey dem Daum züuersteen/ als so er redet/ Ob er falsch schwör/ Also bitt er Gott den Vater/ Gott den Sun/ vnd Gott den hailigen Gaist/ vnd die ganzen hailigen Drifftigkeit/ das er aufgesetzt vnd aufgeschlossen werde/ Auf der gemain vnd gütigkeit/ der hailigen Christenlichen Kirchen/ Das jme dasselbig alles sey/ ain flüch des lebens/ Leibs vnd der Seele.

Zum andern/ Wer falsch schwört/ der redet/ Ist bey dem andern Finger züuersteen/ Als ob er spräch / Wie er heüt falsch schwör/ Also helfff jm Gott der Vater/ Gott der Sun/ vnd Gott der hailig Gaist/ Das jme die nimmer zu hilff vnd zu trost kommen/ inn der größten not/wenn sich sein Seel vnd leib von ainander schayden werden.

Zum dritten/ Welcher falsch schwört/ Der redet/ Ist bey dem vntern Finger züuersteen/ als so er spräch/ Als er heüt falsch schwör/ Also bitt er Gott den Vater/ Gott den Sun/ vnd Gott den hailigen Gaist/ Und den waren Costparn Fronleichnam vnsers lieben Herren Jesu Christi/ Das sein grundlose Barmherzigkeit/ Sein hailige angst/ Schwärf/ grosse not/ Bittere marter/ sein vnschuldiger Tod/ Vistende/ Himmelfart/ vnd Sendung des hailigen Gaists/ alles an jm armen sünden verloren seye.

Zum vierdten/ Welcher falsch schwört/ der Redet/ als ob er spräch/ Wie er heüt falsch schwör/ Also soll sein Seel/ die da ist bedeut bey dem vierdten finger/ vnd sein Leib/ der da bedeut wirt bey dem fünften vnd klein finger/ mitainander verdampft werden/ an dem Jüngsten tag/ vnd vor dem Gestrengen Jünglichen geriche/ So er/ der Mainaydig mensch steen werde/ vor dem aller gerechtenen vnd gestrengisten Richter/ vnd geschaiden werden von aller gemainsame aller Gottes Ewigen säligkeit/ vnd freud aller auferwöltten sälichen/ Darzu ewiglichen beraubt zusein/ des aller höchsten freuden/ wunniglichen angescichts Gottes himelischen vatters/ Gottes Suns/ vnsers lieben Herren Jesu Christi/ Gottes hailigen Gaistes/ seiner Gloriuswirdigen müter Marie/ vnd aller hailigen/ immer vnd Ewiglichen.

Bei diesem allem soll vnd mag ain yedlichs frums Christglaubigs mensch von herken wol bedenken/ vnd merken / Was ain falscher Ahd auf jm trage / Dann da vnnser licher Herz Jesus Christus/ an dem Stammen des hailigen Creüszhieng/ züerlösung alles menschlichen geschlechtes/ Und zu abwäszung/ oder auf hebung aller sünden / Und sich daselbs sein Edle seel von seinem leib schiede/ Wurden groß Finsternissen an der Sonn/dem Mon/ vnd Firmament/ Durch die ganzen welt ain grosser Erdvidem/ mit zerpalten der Belsen/ vnd am zerreissen der vmbheng im Tempel/ Das dannoch alles allain vmb freud/ vnd zu hail aller menschen beschehen. Vieleil solten dann billich grössere wunder vnd zaichen/ an den Himmel vnd auf der Erden beschehen / Wa ain mensch also ain falschen Ahd schwört/ damit er sein Seel vnd leib/ wissentlich verdampft/ Dadurch solche verkündung/ gepürde verhaftung/ Angst/ Not/ Leiden/ vnschuldige bittere Marter/ Tod/ Erlösung/ Vistend/ Himmelfart/ vnd Sendung des hailigen Gaists/ alles an jm verloren/ vnd williglich durch in verleugnet wirdet/ Darumb wer kain wunder/ das sich das Erdreich aufthät/ vnd verschlücket ain solchen menschen. Das wölle jme ain yeder mensch selbs alles auf das höchste zu herken nemen/ vnd daran gedächtig sein/ was falsch Ahdenschwören/ zusampt dem/ das er hic darzu zeitlich/ an seinem leib vnd leben/nach fürschung vnd gesetz der Recht/ auch gestrafft werden mag.

Durch mich Gregorium Rosendorf in Druck geben
Anno Salutis M. CCCCE. xxxiiij.

Getruckt zu Augspurg/durch Philipp Vhart.